



21789

III

Mag. St. Dr.

P

cas. Henric. Kortha

Declos Jos. Antonius Mausoleum immortalis
gloriae

PANEG. et VITAE

Polon. Pol.

№ 1710.

17
D.

Sao
Eco
CA
B.

MAUSOLEUM

Immortalis Gloriæ

JVN OSSIO AGNO

Ferreô Fatorum Stylô

ad Posthumam sæculorum memoriam

EXCISSUM.

Atq; dum

CELSISSIMI olim PRINCIPIS,

ILLUSTRISSIMI & REVERENDISSIMI DOMINI

D. ANDREÆ STANISLAI KOSTKA

Comitis in Zaluskie, Okęcie, Koziętuty,

Z A Ł U S K I,

DEI & Sedis Apostolicæ Gratiâ, EPISCOPI Cracoviensis,

DUCIS Severiæ, EQUITIS AQUILÆ ALBÆ,

Studii Generalis Universitatis Cracoviensis,

CANCELLarii FAVENTISSIMI,

Seminarii Episcopalis Academico-Diœcesani FUNDATORIS,

In Basilica Cathedrali Cracoviensi,

mortales Cineres pompâ solenni tumularentur

è voto Studii Generalis Universitatis Cracoviensis

Dolenti calamô

P E R

M. JOSEPHUM ANTONIUM

D E C L O S,

Sacræ Theologiæ PROFESSOREM, COLLEGAM MAJOREM,

Ecclesiarum; Collegiæ Sancti FLORIANI Clepardiæ ad Cracoviam

CANONICUM, ibidemq; Ordinarium Festorum SALVATORIS ac

B. V. MARIÆ CONCIONATOREM, Parochialis in Nasiechowice

CURATUM.

DELINEATUM.

CRACOVIAE Typis COLLEGII MAJORIS.

Aurea fulserunt Te Principe sæcula PRÆSUL,
Testantur Patriæ, Te Pia facta Patrem.
Virtuti Imperium si par Tibi fata dedissent,
Tot meritis unus vix satis Orbis erat.

Stroz: Pat: in Epitaph:

Ista sepulturæ fata beata Tuæ.

Proper: Libri 2.

Aere non vacuo pendentia Mausolea,
Laudibus immodicis præco sub astra ferat.

Martial: in Amphit: Cesar:

Ipse Aries.

Novis lætus stellis & vellere dives

Hoc solium sibi constituit

Dum rerum generi atq; hominum, dum consulit Orbi

Hoc olim dominante novi sub origine mundi

Et felix ætas & libera sæcla fuere.

Jovian: Pontan: Uran: lib: 2.

Hunc chartis, famæq; damus, populisq; loquendum

Martial: lib: 5.

Ut Nomen toto spargat in Orbe suum

Idem lib: 6.

Mors in momentis vitæ scrupulosa, prodiga in Monu-
mentis.

Bizzano: in Mausol: Reginal.

Perennaturæ nomina porrigunt memoriæ, ipsaq; fata
Thronum Illis gloriæ exstruunt, qui vitam pro
bono Publico devoverunt.

Lipsius.








CELSISSIMÆ & ILLUSTRISSIMÆ
DOMVI ZALVSCIANÆ,
necnon

Mæstissimis ultimæ voluntatis Celsissimi olim Principis

EXECUTORIBUS

Dominis Mecænatibus Amplissimis.

mmortalis gloriæ Mausoleum, ferreò à
Fatis Stylò JUNOSSIO elaboratum
AGNO, non ideo Tibi Celsissima & Il-
lustrissima ZALUSCIORUM Domus,
atq; Vobis Amplissimi ultimæ voluntatis defuncti
PRINCIPIS PRÆSTITES fagelonica præsen-
tat Pallas, ut infandum in cordibus Vestris renovet
dolorem, verum ut in facie Vestra eundem contestetur
affectûs candorem, quò erga suum olim faventissi-
mumferebatur CANCELLARIUM. Merebatur
PRINCEPS hic Celsissimus primos semper in
vita ab Orbe Literario honores, meretur & mor-
tuus pro sua in Literatos benevolentia perennem
gratitudinem, qui cum omnium corda ad æviter-
num sui traxerit amorem, non jam inter ferale

mortalitatis suæ Exuvias, triumphales Colossos, sed aliquot Typographicis Columnis exstructum recipit Mausoleum, ut & illius Nomen, & totius Domus Vestræ Illustrissimæ Honor, in memoria vigeat sæculorum. Exiguô quidem Syllabô Pontificiæ sunt in illo exaratae laudes; Principis tamen ac Vestræ magnitudini nihil derogari poterit, dum tam Præsulis hujus virtutum & meritorum Majestas, quàm totius Domus Vestræ decor in Apogæo semper gloriæ & honoris existat. Verba hæc aliquot collecta pagellis Mausolei referentia formam ad Vos devolvuntur; parentheses potius quàm periodi, quia fatalis doloris iclu interruptæ, optant apud Vos adunari, sensus oratorii plane exanimis, sibi dari spiritum & vigorem à Vestro intendunt Patrocinio. Vos pro innata Vobis benevolentia addite pondus verbis quæ graviter dolentium explicant sensus, Juscipite in Vestram custodiam non tantum hoc Mausoleum Vestro JUNOSSIO erectum AGNO, verum & devota Palladis Fagelonicæ in Augustos Celsissimi Principis manes studia, quæ ita se magnis Cineribus in reverentiam submittit, ut & Vestro simul Nomini & Honori devinctissimam se esse fateatur.

MAU-

MAUSOLEUM IMMORTALIS GLORIÆ

Ferreô Fatorum Stylô

JUNOSSIO AGNO

Ad posthumam sæculorum memoriam,

EXCISUM.

Adeste huc docti Phidiæ!

Adeste ingeniosi Praxiteles!

Vosq; subtilissimi Policleti adeste!
novum in Orbe miraculum spectaturi.

En invida vitæ humanæ fata,
rebus inimica secundis,

quæ Tralibz Rhodiorum columnis,
limitaneum pridem non plus ultra posuere,
quæ posthuma cum suis Operariis humare opera,
Purpuras in firmata, palmas in Cupressos,
Currus triumphales Æmilianorum
in Sarcophagos mutare nôrunt;
jam suam deponunt ferociam,

& Novum Architectonicæ artis exordiantur opus.

dum JUNOSSIO AGNO,
post feralem vitæ occasum,
Mausoleum gloriæ immortalis,
ferreô suô elaborant Stylô.

A

O admi-

O admirandam rerum Metamorphosim!
Alibi adunca sævæ Libitinæ falx,
omnia proscindit,

omnia in minutas diffecat partes,

cineriq; insepelit doloso,

Nunc in PRINCIPUM Aulis.

Omnem à se reijcit arrogantiam,

in JUNOSSIUM non sævit AGNUM:

sed Illum in sede perennaturæ locat famæ.

Novit perbellè sæva Atropos,

quòd AGNUS Hic,

nulli corruptioni obnoxius est,

Cui cùm æterna sit inter sidera sedes,

Eundem atra obvolvere caligine non audet,

ast Illi triumphale Gloriæ Mausoleum erigit,

ut fama Ejus æternum duret in Ævum.

Et licèt Eidem temporalem ademerit vitam,

dat meliorem, quia beatam,

nullo præterlabentium temporum motu perituram,

Architectonica utitur arte,

ne novum Illi ex se deneget, immortalitatis artificium.

Hinc videndum est:

quòd nihil sit adeò malum,

quod interdum prodesse nequeat;

ex vulnere plerumq; vita venire solet,

ruinarum cumuli

sæpe sæpius solenni Metamorphosi

in excelsum solium abeunt.

Ferrea Mortis rigidæ falx,

licèt plurimis maneat nociva,

his tamen in amicum exasciatur telum,

quos videt meritis ac probitate conspicuos.

Unde extra Paradoxum esto;
quòd illustribus eminere factis,
ac glorioso ultra genium Orbis assurgere opere,

Idem est:

ac superba deprimere fata,
& ab illis non deprimi.

Vera semper Gloriæ immortalis Majestas,
ab excellentia agendi procedit.

nec aliud Mausoleum altius fatîs assurgit,
quàm illud, quod benefacta Cœlo tenus attollunt.

Non Genus Illustre, sed genus agendi sublime
fatorum potentiam devincit,
nec fundamentalior est constructio gloriæ,
quàm per sola verba activa.

Aliàs:

Ille Stylus est optimus Magister dicendi,
qui in Vita Fabrum, egit meritorum.

Famaq; vocalis

rot lingvis, quot pennis prædita,
clarissimum illius buccinat Nomen,
qui in Theatro vitæ,

non mutam scenam repræsentat,

Ipsa atrox Libitina,

licet aliis proterva, aliis inimica sit,
emeritum nihilominus Caput lædere non audet:

quæ soli Corpori intenta,
spiritum rectefactorum fugit,
dum illum de mortali corpore fugat.

Non obfuscant funalia,
claritatem famæ ejusmodi,
cujus Majestas ut sublimius elevetur,
ipsi cineres, tumescunt ei in Olympos.

Qui novit illustribûs, clarere meritîs.
Hunc etiam densior mortis illustrat umbra,
huic Urna sepulchralis in Mausoleum
Gloriæ immortalis erigitur.

Sepulchrale marmor.
triumphales ex se elicit ignes
ac in lucis æternæ accrescit mensuram.
Hujus gloriæ immortalis, adeptus est Thronum
Lechici Orbis Sol fulgentissimus,
Ecclesiæ unicum Decus & Præsidium.

Cellissimus Princeps

Illustrissimus Excellentissimus ac Reverendissim⁹ Dn⁹

**D. A N D R E A S
STANISLAUS KOSTKA**

Hæres in Załuskie, Okęcie, Kozietyły,

Z A Ł U S K I,

Dei & Apostolicæ Sedis Gratiâ,

EPISCOPUS Cracoviensis,

DUX Severiæ,

Aquilæ Albæ Eques.

Studii Generalis Universit: Crac: Cancellarius,

meritis, & gloriosis facinoribus,

tam in Ecclesia DEI, quàm

in Orbe Lechico vocalissimus;

Ad hoc in obitu suo devenit honoris punctum,

ut Illi ipsa Fata immortalis gloriæ Mausoleum

ferreô suô elaboraverint Stylô,

Meruit

Meruit solennes in vita sua plausus ab omnibus,
Princeps Hic Celsissimus,

meretur & à fatiſ:

Cui licet atrox Libitina ſua falce,
ſtamina præſcidit vitæ.

vivet tamen in memoria ſæculorum.

Non poteſt Hæc Poloniæ Fax inter Sepulchrales.
non ardere umbras,

Quam & meritorum altiꝑ; Sanguinis claritas,
& Majorum nutriunt Cera.

non poteſt non coruſcare hoc illuſtre
primæ Magnitudinis Sidus,

cùm ſideribus connaturale ſit noctu magis ſplendescere
ſicut & adamanti in tenebris;

Qui & totâ vitâ ſuâ meritis floruit,

Illius Gloria nunquam marceſcere poteſt.

Quis quaſo actus Ejus? quem glorioſè non abſolveret.

quod opus? ex quo probus non noſceretur,

Liberalis in alios natura

in Principem hunc Celiſſimum

Liberaliſſima,

omnes dotes Corporis & animi

in Illo repoſuit, ut ex utroꝑ; videretur glorioſus,

& Thronô gloriæ dignus immortalis.

Loquere palam Mater Eccleſia?

loquere chariſſima Patria?

quid in Eo an, Patrem an Filium fueris experta,

ubi de Te Paternâ curâ & providentiâ motus

filiali obſequio major,

ingentes de Te cogitationes excitabat.

Nulla in annorum Illius decade crux erat

B in qua

in quā de adversis non triumphares,
nullus ætatis circulus,
qui Tibi non cederet in Coronam gloriæ
& Honoris.

Vixit Ille non annis sed factis:
Qui sicut meritis suis omnium excessit mentes,
ita æviternæ gloriæ sublime
Nomini suo exstruxit Augustale.
Plures Ille bono Publico impendit annos,
quàm sibi, & tantum de omnium affectibus
meruit, quantum multi optant pauci assequuntur.
A primo in Senatum Polonum ingressu
continuus Illi erat motus, quies nulla;
Nunquam Illum ea quietum fecêre,
quæ egit, semper curabat, quæ majora
acturus esset, Orbi Lechico pro gloria & obsequio.
Multum Tibi debet Sarmaticus Orbis.
Illustrissima Zalusciorum Domus,
quod talem bono ejus publico
edidisti Principem,
Qui illius consulendo integritati,
totam vitam suam communi omnium utilitati.
ac saluti consecravit.

Crescit Tibi non tantum ex Fjus meritis Honor,
verum etiam inde, quod tales preciosas
in Alto sanguinis Tui mari habeas gemmas,
quæ non tantum Patriæ in decus cedunt,
verum & Cælesti inseri sunt dignæ Coronæ.

Non

Non sola Lacæna,
fæcunda virorum genitrix dici meretur;
eò quòd masculæ virtutis proferat Viros,
Antiquissima Vestra Familia,
quia à Boleslao I. Poloniæ Rege,
sua primordia ducens,
à primis statim suis incunabulis,
Magnorum Virorum Parens meruit,
nuncupari fæcundissima.

quòd non tantùm sacros ad aras Divorum

Aarones,

sed duris enutritos bellis Martes,

Invictos Scipiones.

imperterriti animi Leonidas.

Patrio sine intermissione proferat Regno.

Regiam Solis,

aut potius Jovis Capitolini Ædem dicere fas est,

Illustrissimam Domum Vestram,

in qua Orbis Lechicus tot veneratur Joves,

quot insigni sapientia præditos Viros, ex quorum capitibus,

non una, sed millenæ prodire, prodeuntq; Minervæ,

Patriæ & Ecclesiæ in tutamen & præsidium.

Dantur alibi pretia raritati,

in Domo Vestra selecta honorum frequentia,

sua pretia habet.

Notum est toti Europæo Orbi,

B 2

Domui

Domui Vestrae solitum fore,
à Purpuris ad trabeatos ascensum habere Honores.
Proprium Vobis est:

Illustrissimi Nominis Majestate,
honorum augeri titulos virtute innata
illustrare Trabeas, summis in Patriam meritis,
elevare curules.

insigni morum gravitate,
Dignitarios ornare & appretiare Falces.

semper de Vobis majores ac majores certant honores.

& unius elevatio, est alterius gradus eminentiæ.

Nullus in Orbe Lechico reperitur Honor,
qui Vobis non famuletur,
nulla dignitas conspicitur,

quæ à magnitudine animi non tantum sublimior,
verum etiam Eminentior videatur.

Gentilitius Domus Vestrae AGNUS
tam in Altum processit gloriæ,
ut ipsa Astra, ipsum tangat Olympum.

In AGNO Vestro

semper Honorum soles hospitari solent,

**& in Domo Vestra Illustrissima
stationari.**

Gemmis nativum adimeret valorem
qui protensum encomiorum nexum
ab aureo AGNI Gentilitii vellere deductum,
Vestris meritis non formaret.

Hunc enim in Avito præsentatis stemmate,

A G N U M,

cujus Nomine ipsa Increata

Sapientia intitulatur,

Apparet inde:

quòd aliquid Divinum habeatis:

In Domo Vestra Illustrissima,

plures quàm olim in Capitolio Romano,

superstitiosa Antiquitas,

colebat & numerabat Deos,

dum graves superciliò, aurei parentes ævi Saturnos,

facundos pro bono publico Mercurios,

& bellaces pro integritate legum

reproducitis Gradivos.

Recalescit ad Arietem Vestrum

Libertatis Polonæ amor.

& nullibi meliùs,

quàm in Illius vellere fovetur.

Quòd si Mantuano Vati habemus fidem dicenti,

Sic vos non vobis vellera fertis Oves

Quis ignorat?

quòd Gentilitius Domus Vestræ AGNUS,

non sibi auream producit lanam.

Habet ex Illius vellere

Senatus Purpuras, Ordo Equestris Togas,

Bellona sagum: ipsa duntaxat scelera

pallium non habent.

C

nam

nam signum virtutum & innocentiae **AGNUS.**

Soli Patriæ se mitem ostendit,
sed hostili Bellonæ terribilem Leonem.
Frontem Ejus fortissimi metuunt Heròes
& tanquam timidi lepores in fugam aguntur.
Non unum pro Patria Hic **ARIES** sustinuit impetum,
etsi Otthomanicam multoties arietaverit Portam,
nunquam tamen Ejus cornua vacillârunt,

Ex quibus, veriùs,
quàm ex fabulosis Amaltheæ Cornucopiis
omnis in Rempublicam promanat felicitas,

Ab AGNO Hoc

quanta Patriæ procedit salus & præsidium,
id Viri Hujus Illustrissimæ Familiæ,
vivô in se remonstrant exemplô.

è Quorum Numero.

Primus mihi adorandus scriptoriô calamô venit

ILLUSTRISSIMUS DOMINUS

SPYTEK ZALVSKI,

Ravenfis **SUCCAMERARIUS,**

à Quo

prima Pervetustæ **ZALVSCIORVM** Domus,
procedit origo.

Est quid in Illo Sarmaticus miretur Orbis
Qui noscens se à protegendo Cognomē habere
ita Patriam ab æstu furoris Tartarorum defendit,
ut solus mille pericula lufferre voluerit,
ne illa

ne illa aliquam pateretur ab hoste jacturam,
Partem ævi majorem
Hector Hic dexterrimus,
in Gradivi attrivit Castris,
Ferreis bellicis laboribus suam sibi
ampliabat famam,
quam eò constantius retinuit,
quò operosius comparatam.
Inter ferrea Scytharum arma
probavit caput suum esse aurum optimum,
quod vel ideò Galea militari texit
ut haberet quò captivam Patriæ
redimeret libertatem;
quam ne omni destitutam præsidio redderet
Dignissimus SUCCAMERARIVS,
illi Germanos suos Fratres
STANISLAVM & MATHIAM
in subsidium reliquit;
Qui assumpto ab Eo Martiali heroico spiritu
tantum pro Fide & Regno, pro Jove & Patria
gloriosè certarunt,
quantum Illis
ad perennis gloriæ memoriam sufficeret
Eadem animi reluxit dexteritas in

ILLUSTRISSIMO DOMINO
LAVRENTIO
ZALVSKI

POCILLATORE Ravenfi,

Quem illibata in Patriam amoris integritas,
ardens in Superos pietas
& intaminatus erga Cives Candor
omnibus sæculis conspicuum referunt,
& licet vitæ Illius stamina
invida Atropos præcocî erupisset fatô,
mortalem tamen vitam quam vixit
æternâ perennaturi Nominis
gloriâ compensavit.

Viget adusq; Gloria & Honor

ILLUSTRISSIMI DOMINI

PETRI ZALVSKI

VEXILLIFERI Ravenfis

Cujus heroica virtus hostibus toties terribilis erat,
quoties militare signum elevabat.

Nunquam uberius probata Polonorum virtus
in publica bellantium arena
victrices colligebat palmas,
quàm præeunte inter hostiles phalanges
Polono Affricano Vexillifero.

Fluitantia signi sui militaris,
quàm primùm laxabat vela,

protinus

protinus ad exoptatum certi triumphi
Polonum exercitum deduxit promontorium.
Ingemiscere nefariumq; deplorare ausum
debuerant terræ allisi audaces Enceladi,

Hoc Majestuofo Jove
dexterâ suâ non vexillum,
sed trisulcum fulmen manu tenente.

Principibus placuisse Viris, si laudis incrementum est.
Vir Hic non tantum in Aulis Principum Ephestio,
ast & in Aula Serenissimæ ANNÆ,

Poloniarum Reginae

primos merebatur favores.

Excellentissimis dotibus & qualitatibus florem
his Prolem suam ornavit, nimirum

ALBERTUM, STEPHANUM, CHRISTOPHORUM
ABRAHAMUM & LAUKENTIUM,

Z A L V S C I O S.

Qui charissimi sui Genitoris
gloriosa secuti vestigia

innumeris Orbem Polonum ornabant meritâs,

STEPHANUS sui Nominis Corona

Ecclesiasticis intentus curis.

non alia meditabatur, nisi Cælestia

A L B E R T V S

GNESNENSIS CANONICVS

Canon omnis probitatis dicendus
ac Regula morum,

D

dum

dum nullam diem omisit,
finè linea meritorum.

ABRAHAMVS & LAVRENTIVS
redivivi pro Patriæ tuendo bono
apparuerè Hectores,

cùm eandem ab adversis hostium defenderent procellis.

Domandi erant ferales Colacorum ictus
uniendi discordes Civium animi,
salus Reipublicæ in integro servanda
domârunt, uniêrunt depresserunt
ipsô fortiores Caucaſo comparentes.

Pari Majorum suorum processerunt semita

ILLUSTRISSIMI DOMINI

GREGORIVS, SIGISMVNDVS,

MICHAEL, ALEXANDER,

THOMAS, STANISLAVS

Z A Ł V S C I I.

Qui sub dio frigidoq; Jove exercitati
fulmen Hostium dici merebantur.

Heroum vestigiis insistentes,
pertinaci studio

hæc agere & audere contendebant,
quibus ad summa rerum pervenitur.
Pro Magnis quibus florûere meritis,

Regia Gratia

V L A D I S L A I IV.

Poloniarum Monarchæ

Eosdem ad Purpuras pertransire voluit,
sed humilis Illorum de se sensus.

has excelsas curules quæ parabantur
mereri maluerunt, quàm aliquando eas habere
Inclaruit tamen hic Purpuræ splendor,

In

ILLUSTRISSIMO olim *DOMINO*,
D. LAVRENTIO,
ZALVSKI,

CASTELLANO Gostinensi,

Dilectissimo **PRINCIPIS** olim Celsissimi **ABAVO**,
ad quam magnis meritis, & indefessis
in bonum Commune laboribus cum devenerit,
eandem majori operum ornavit apparatu:
Certavit semper pro publico bono animosius,
disertissimum toties Arpinatem egit,
quoties ingentia Patriæ negotia exposcebant.
millenis dignus titulis **SENATOR** Hic,

Optima ac sana consilia,
animam esse noverat Reipublicæ.

His continuo innixus,
tam in publico quàm in privato,
Oracula consiliorum saluberrima pandens,
languentem non semel animavit Patriam,
ac placidæ restituit quieti.

Nullum vixit momentum,

Da

quo

quò monumentum gloriæ sibi non reliquerit
Nullus Illi præteriit mensis.

quò plenitudinem non auxisset meritorum.

Ubi frigidi consultantium fuerunt animi,

Hic Flamminium egit.

ad saniores sensus

Civium animos inflammando.

Auxit sibi maiorem adhuc gloriam

Senator Hic dignissimus.

dum Ternionem Filiorum,

HIERONYMVM, STANISLAVM

& ALEXANDRVM

Patriæ dedit in decus & tutamen,

Quorum gloriosos ad numerū revocare Actus,

non unius esset pennæ opus

Meretur primos HIERONYMUS respectus,

Qui Abbatiali Vitoviensi cinctus Tyarâ

ita hunc in se deportavit honorem,

ut omnes ad sui traxerit amorem

Apparuit in Eo recta in regendo prudentia

in sufferendis publicis negotiis infracta fortitudo,

in adversis æquanimitas.

in perplexis omnis facilitas, quæ singula

ac si sidera dum Tytan suo mergitur Ponto, enituere.

Nulla illi major placuit indulgentia

quàm Aris assistere Superum,

nullum dulcius solatium,

quàm Cultum & Honorem Dei promovere,

pro legibus Ecclesiasticis strenuè decertare,
& nemini molestus esse.

Stat laus & honor adulq;

S T A N I S L A I

PINCERNÆ Ravenfis,

nec unquam elabi memoriâ potest,

qui quo advixit,

factis heroicis Patriam stabilivit;

quoties Geticas audentiori spiritu perstrinxit acies,

toties Othomanicas infregit portas,

& cum ubiq; Victoris mereretur Nomen

cum Illustrissima ANNA de LIPSCIIS,

Ravenfi PALATINIDE,

GASPARUM Rogoviensem CAPITANEUM,

Illustrissimi solatium Connubii,

Paternæq; pulcherrimam gloriæ reliquit Coronam

Ornasset diutius Pincerna Hic Dignissimus meritis,

Polonum Orbem

ni fati Ales

veluti alterum Ganimedem terris eripuisset,

ut Eum Cælo ipsi traderet in obsequium.

Vivit post fata superstes,

aureæ libertatis acerrimus Vindex,

Senatus Poloni oraculum,

ILLUSTRISSIMUS EXCELLENTISSIMUS Dñus

ALEXANDER ZALVSKI

primò CASTELLANVS, post

E

PALA-

PALATINVS Ravenfis,
PRINCIPIS olim *CELSISSIMI*
dilectiffimus **AVVS**,

Qui Diis auspicibus ac fidere fausto
datus Patriæ in decus & præsidium
non tantum eandem fortiori ab hoste defendit manu,
verum & prudenti juvabat consilio.

Laboravit semper pro Gentis Polonæ gloria,
pro Regni honore Macedone intensius,

nil tamen sibi ex lectis laboris stipendiis reliquit,
sed omnia communes Patriæ immolavit ad usus.

Multi sunt quos statim à teneris
in diversa trahit animus;

Heroica Viri hujus ad magna nata indoles,
non deliciis immergi, sed bellicis aduri ignibus,
gravari ferro, balteo cingi,
premi Galea,

durasque ducere in cespite noctes,
mens semper erat, & virile intentum.

Hæc ipsa Senatoria Curulis,
quam optimus possidebat Senator,
non filet gloriosos ejus Actus, non filet oracula,
quæ pro communi pandebat bono.

Supremo Regni in Tribunali pluries

M A R E S C H A L C V S,

semper Judex legum extitit peritissimus.

Ita ferebat sententias,

quales

quales ipsa Diva poscebat Themis.
ita Judiciorum ponderabat stateram,
ut simul ageret à sæculis ponderanda.
Causarum ita discutiebat momenta.
ut primam semper respiceret Causam.
Nil unquam decidit absq; veritatis consilio,
nil probavit, quod Cælum improbaret.
Acerrimus æquitatis Propugnator
prostratam non semel erexit innocentiam.
depressit iniquitatem, propulsavit crimina,
omne damnavit nefas.

In Areopago illo constitutus
clausis oculis judicare arbitratus,
cùm nihil eundem consanguinitatis ratio,
nihil interpellantium dignitas,
nihil amicorum movit amor,
ut ab æquo vel ungve saltim discederet.
Ne injurius æquitati videretur,
nihil ex proprio arbitrio
sed ex lege, juxta jurium obloquentiam.
juxta antiquam praxim & consuetudinem,
fieri debere omnia decernebat.

SENATOR ILLUSTRISSIMUS

Tullium pro Patria agens,
vocē suā ita bono publico consonā redolebat,
ut Regias plerumq; delectaret aures,
E2 liberos

liberos animos in sensum suum traheret.
ac popularis auræ desideria satiare.

Tantis meritis celeberrimus
ad Hymenæi dum convolavit thædas.

I L L U S T R I S S I M A M
CATHARINAM

de Olſzoviis

CASTELLANIDAM Spicimirienſem
CELISSIMI olim & *EXCELLENTISSIMI*

ANDREÆ OLSZOWSKI

Archiepiscopi Gneſnensis Regni Primatis

primiq; **PRINCIPIS,**

Viri de Republica & Ecclesia Dei emeritiſſimi,

Germanam Sororem in vitæ & thori ſociam aſſumpſit,

Cujus laudes & encomia revocare ad calculum
non brevis momenti,

ſed grande ſæculorum eſſet negotium.

Innuere ſatis eſto:

in ea natam eſſe Domo:

in qua Archiepiſcoporum Cruces, Senatorum Purpuræ.

Mareſchalcorum Scipiones, Præſulum Tyaræ,

ſuum poſuere domicilium.

Gemma hæc omni pretio nitens,

poſtquam innatis dotibus & virtutum fulgoribus,

ZALUSCIANAM illuminaverit **DOMUM,**

Cæleſti inferta Coronæ.

Hæc de Concha,

prodi-

Evolat officiosa penna; in condigna elogia &
ILLUSTRISSIMO olim ac REVERENDISSIMO D.

MARTINO ZALVSKI,

Arbenſi EPISCOPO, SUFFRAGANEO Płocenſi,
Cujus liberale Nomen, non parcam dicendi
requirit eloquentiam.

Suffragabatur multorum egeltati SUFFRAGANEUS,
nec ullam abſq; munificentia omiſit horam
ubi olim totam Tytus diem,

Zeloſiſſimus Honoris Divini Cultor,
quantum pro decore Eccleſiarum expendere;
Płocenſis Diaceſis illius enarrare
liberalitatem non ſinet.

Splendent Divorum Aræ,
quas non tantum fulgore auri illuſtrabat,
verum etiam pio fidei illuminabat ardore.

Extendit ſe hic gloriæ nitor, in
ILLUSTRISSIMUM olim HIERONYMUM

ZALVSKI,

CASTELLANUM Ravenſem,

Cujus glorioſa in Patriam merita,
aureo Plinii notari debent ſtylo.

Viva Martis cum fuerit imago,
quoties cum hoſtibus Patriæ prælia inivit,
toties Victor, nunquam victus ex arena ſeceſſit Gradivi.

Sive ad Generalia Regni Comitia,

G. five

five ad Tribunal Regni fuerit

M A R E S C H A L C V S,

ubiq; gloriosus apparuit, ubiq; dexter.

Inter militares copias cataphractus Annibal,

inter sacras Themidis Aedes Lycurgus,

inter centuriata Regni comitia eloquentiâ Tullius,

consiliô Fabius, ex utroq; animosus & prudens.

Militat fama perennis, Magno Heroi,

ILLUSTRISSIMO DOMINO FRANCISCO

Z A Ł V S K I

PALATINO Płocensi,

Qui Patriæ non semel adfuerat in adversis Præsidium,

Nunquam tantam Parmenio erga Macedonem.

Zapyrus erga Darium,

quantam FRANCISCUS erga Regnum fidelitatem servavit.

Ante assumptam Purpuram sæpe ad Generalia Comitia Regni,

Nuntius, sæpe Judex Deputatus, post supremus Tribunalis

MARESCHALCUS, ubiq; non illum Magistratus,

sed Ille Magistratum perfecit,

prudentiâ judiciô consummatus.

Hæc ipsa Senatoria Curulis

quam optimus possidebat Senator,

in dilertum Mercurium formata,

non filet ejus ingentia merita, non filet oracula,

quæ pro communi pandebat bono.

Omne illius verbum sapientius Lycurgô

effatum fuit, omne consilium apertum.

etiam ex tacente habuit, quod disceret Orbis.

Resonat

Resonat toto Lechico Orbe
vocalis Magni Nominis fama,
Illustrissimi & Excellentissimi Domini,
ALEXANDRI, JOSEPHI,
Z A Ł V Š K I,

PALATINI Ravensis,
dignissimi PRINCIPIS olim Celsissimi Patris,
Qui sub Serenissimo ac Inviictissimo

J O A N N E III.

Poloniarum Rege,

cum Turcis ad Viennam pro integritate
Christiani Orbis heroicum opponens pectus,
ita hostium victricibus armis profudit sanguinem,
ut immarcescibiles Patriæ flourerent laurus.

Personata hæc Intelligentia,
agitandis & expediendis magnarum rerum momentis,
seriò intenta nil unquam gessit, nisi pretiosum,
nihil est locuta, nisi gemmas
æternitatis annulo inferendas.

Vir consiliò magnus,
ingeniò sublimis, edecumatus prudentiâ,
judiciò profundus, animò adversis vinci,
prosperis efferri insolitò, generosus;
ut præcellentium dotum & virtutum
Universale subjectum diceretur.
Favore Numinũ in hæc tempora Patriæ datus,

quæq; difficillima, undiq; ruentibus malis aspera,
discordiis Civium agitata
Conso & Marte, ut medelâ ferrent, indigebant.
Tollenda erat difficultas,
adversis saluberrima remedia danda,
Civium rebellio sedanda,
sustulit, dedit, & sedavit.

Quanta prodigia! difficultatem facilitavit activitate,
adversis obicem posuit prudentiâ,
divisos animos conjunxit amore in Patriam,
& unus omnibus satisfecit.

In supremo Regni Tribunali MARESCHALCUS
hæc ex controversiis formabat decreta
quæ sensui Divæ Astrææ consona fuere.

Nemo æquilibrium illius,
à sua aversum unquam videbat parte.
Cui Ille tuam judicii interponebat bilancem.
Si quondam Magnus Macedo acinace,
unum Gordium secuit nodum

ALEXANDER ZALVSCIUS

quævis etiam intricatissima Patriæ negotia,
acumine mentis resolvere scivit.

Ex illo habuit Polonia Drusum,
Senatus Fabium, Comitum Nestorem,
Tribunalia Justinianum, Legationes Cyneam,
libertas Defensorem, totus Sarmaticus Orbis,
fortissimum Atlantem.

Et

prodire inæstimabiles Regni uniones,

CELSISSIMUS S.R.I. PRINCEPS

ANDREAS CHRYSOSTOMVS

Z A L V S K I

primò Kijoviensis, post Plocensis, mox Varmienſis

E P I S C O P V S,

Supremus Regni CANCELLARIUS

Cor Principum, Regum Amor, Ecclesiæ & Patriæ basis dicendus.

quia quidquid egit, totum id ad bonum publicum disponebat.

Diæcesis Kijoviensis

Hoc Dignissimo Antistite,

tota in Libanum abiit, Plocensis,

hucusq; auro cedroq; digna ejus merita toti divulgat Orbi

Varmienſis Cathedra suo Pastori in millena excurrit elogia.

quòd eandem sano & prudenti ita rexerit consilio,

prout Ecclesiæ honor exposcebat.

Quis quæso Hujus Præsulis, in Divinis non stupet vigilantiam?

Ne in Gregem Domini, rapaces irruissent lupi,

ne Illius Ovile, venenosi serpentes,

pestiferâ alicujus nefandæ Hæreseos inficerent labe,

ne Deorum Aris suus auferatur Cultus,

vigiles agendo curas,

& sæpe insomnes ducendo noctes,

plusquam Centoculum peregit Argum.

Vim acus magneticæ occultam in se habere visus,

Stellam Polarem,

& immobilem Deum Ipsum respiciens,

immobilis ipse ad Immobile Numen;

vel Avium Reginae Aquilæ imaginem præseferbat,

F

dum

dum semper Solem Justitiæ intropexit.
Et cùm tantô arderet Cultûs Divini zelô
etiam charissimam Patriam,
quæ primum post Cælites debet habere locû,
ferventissimo affectu, adamavit.
coluit, observavit.

Quot in eam beneficia contulit,
tot laudis suæ argumenta, perennibus fastis inscripsit,
in arduis rebus bono publico inserviens,
non pro servili opere,

sed pro maxima sibi libertate reputabat.

Agitabantur Generalia Regni Comitia,
à quibus salus Regni

pax & omnium felicitas prospiciebatur,
Ille pro Domo Patriæ eloquentiâ Demosthenes
gravitate Nestor, zelo Aneas, quidquid dixit,
condi poscebat in paginas.

Vidit hanc animi excellentiam,
in Principe A N D R E A,

Lechici Orbis pupilla, hostium terror,
SERENISSIMUS olim *ac INVICTISSIMUS*

J O A N N E S III.
POLONIARUM MONARCHA;

idcirco Eundem Supremum Regni fecit CANCELLARIUM,
quod munus quàm primùm in se suscepit,
illico ita Præsul Hic dignissimus pro supremis Majestatib9
diserto loquebatur ore.

ut nunquam pro se ipsis melius loquerentur.

Sigillò Regni gratias,

& sibi & aliis obsignavit.

Quot sigilla literis impressit,

tot apertissima fidelitatis suæ documenta exaravit,

Annulò, quem gessit, omnium affectus sibi desponsando.

Grata Patria non aureo tantum Nomine

CHRYSOSTOMI,

sed ipsis aureis ditata factis,

quæ per publicas Legationes, ad Majestatem,

Hispaniarum Catholicam;

ad Christianissimum Galliarum Regem

LUDOVICVM,

ad Serenissimum Electorem Brandeburgicum,

vi pactorum obstrictum, perq; alias functiones,

amore Patriæ susceptas, & gloriosè peractas,

relucet, nunquam tacebit Sui virtutem Cancellarii.

Est memor et erit tanti Præsulis ingenium

totus Sarmaticus Orbis,

quidquid enī à morte LUDOVICÆ Reginae,

& abdicatione Regis

JOANNIS CASIMIRI,

Regum,

MICHAELIS I. & JOANNIS III.

de Actis heroicis, suis in Tomis scripsit, aliisq; Libris

aut Epistolis expressit,

acumen Cæleste, & mentem Divinā testantur.

Verùm quibus animi dotibus polluit

A N D R E A S,

easdem videre liceat, & in

Illustrissimo olim & Reverendissimo Domino,

L V D O V I C O Z A Ł V S K I,

Płocensi EPISCOPO,

Principis olim Celsissimi altero PATRUO,

Vigilantissimus Hic Christi Ovium PASTOR,

Magnus SENATOR, non tantum consiliis Patriam

verum & Ecclesiam juvans, Delphica

sæpenumero oracula pandere videbatur,

Geminam annorum decadem in Pastoralis,

Diæcesis Płocensis officio complens,

nullum anni prætermisit circulum,

qui in auream Patriæ & Ecclesiæ

fortunæ rotam non cessisset.

MUNIFICENTISSIMUS MECÆNAS,

Hanc quam justo labore congregavit fortunā

in opem egenorum transtudit.

maximum se habere ratus thesaurum,

in manibus Indigentium.

Habuit ingens ex illo Patria solatium,

Senatus Gloriam & Honorem,

Ecclesia firmum præsidium,

Tota orphanorum turba Patrem,

ac Bonifacium singularissimum.

Et cùm innumeris ornâsset meritis Patriam,
accumulavit majora decoribus decora,

Illustrissimæ Prosapix suæ,
per connubialia tædera

cum Illustrissima THERESSIA

de P O T K A N S C I I S

PALATINA Ravenſi,

Celsissimi olim Principis dilectissima Matre,
cujus laudes ut ad numerum revocari possint,
non unius Archimedis artificio utendum foret.

Jactet stellantem Leda Sobolem,

Cornelia Grachas,

Illustrissima ZALUSCIORUM Mater

has antiqui sæculi Deas

& felicitum Genitricum ideas,

tam claritate excellentissimi Generis,

quàm Filiorum numero, quos fæcundo partu,

in Ecclesiæ & Patriæ præsidium peperit,

vicit, superavit.

En nova Ledaïs Soboles

ipsis fulgentior apparet Astris, in

Illustrissimo Excellentiss: & Reverendissimo Domino,

D. MARTINO ZALVSKI,

Episcopo Drasnensi, Decano & Suffraganeo Płocensi,

Infulato Pułtoviensi Præposito,

H

Cathe.

*Cathedræ Crac: Primicerio,
Supremo Regni Secretario.*

Fratre Germano Celsissimi olim Principis dilectissimo,
Cujus gloriosa in Ecclesia DEI & Patria merita.

si in paginam revocarentur,
Orbis in folium abire deberet, Athenæ in bibliothecam
Habet ex Illo Płocensis Cathedra alterum Solonem

Astræa redivivum Aristidem,
cujus quilibet progressus, in omnigena virtutis perfectione summus est.

Compar Parenti suo Alexandro Filius:
quidquid intra se erudita Capita volvunt,
quidquid in artibus optimè sapit,
uno mentis codice complexus,
compendiatæ sapientiæ epithome dicendus.
Acerrimus Cultûs Divini Zelator,
quantum pro exstruendis Ecclesiis expenderit,
facta Ejus loquuntur:

Est memor & erit sui Fundatoris,
Ecclesia Parochialis in Kobylka,
quam non tantum à fundamentis erexit,
verum etiam pretiosa supellectili dotavit.
Hujus Gratiani ulteriora merita mente non revolveo,
cum singulæ Ejus virtutes totas poscunt Panegyres,

Ad Normam Fratris sui MARTINI
cumulat famam Domûs suæ Illustrissimæ,
factis suis fastos & paginas implens,

Illustrissimus & Reverendissimus Dominus,
JOSEPHUS ANDREAS ZALUSKI,
primò

primò Supremus Regni Referendarius,
ad præsens

Episcopus Kijoviensis,

Abbas Fontanetti,

Principis olim Celsissimi Germanus Frater.

Quotquot ejus opera exquisitissima luci & bono publico data,

legit Polonia, tot Bibliothecas habet,

In publicum bonum evisceratus;

quidquid agit, plausum sæculi præsentis,

commendationem sequentis meretur.

Caput illius verè admirandæ sapientiæ sedes,

limatissimorum sensuum promptuarium,

annominari potest,

dum nullus liber per Bibliothecas invenitur,

quem suo animo non comprehenderet

nulla scientia quæ in Eo suum non habeat locum.

Et licèt sublimis sit ingenio, non tamen elatus,

procul ab Eo omnis arrogantia, procul fastus,

animi perversi dolus à longe,

singulis se affabilē, singulis accessibilē reddens.

Augustum virtutum sacrarium æquè appellari potest;

nam in Illo illibatæ mentis candor,

stupenda honestorum morum congeries,

æqui justiq; reverentia,

mentis pondus amabile,

boni communis incomparabilis amor,

pietas Divino cultui intensius addicta,

ordine pulchro distincta cernuntur, adorantur.

Nullum publicum privatumq; reperitur consilium,
in quo Patriæ non bene consularet,
Consilia Ejus minimè à rectitudine discrepant mentis,
hoc enim consulit & persvadet,
quod utile & proficuum esse advertit,
ubiq; integritatem boni publici promovendo,
dignitatem adaugendo,
ac bono communi providendo.

Attraxit in sui æstimationem pectus,

SERENISSIMI & INVICTISSIMI

A V G V S T I III,

Regis Poloniarum

dum Illius merita Pontificiâ Tiarâ Kijoviensi coronavit.
Faxint boni Superi JOSEPHO PRÆSULI, ut in hoc honore constitutus,
felicia sæcula vivat quàm diutissimè.

Accurrit ad computum gloriæ & honoris

Illus: JACOBUS ZAŁUSKI Sulcioviensis Capitaneus,
accurrunt multi longiori Syllabo recensendi,

Drohicenses, Zavichostenses Capitanei,

Magni Ducatus Lithvanie Culinarum Præfecti

Z A Ł V S C I I,

meritis ac heroicis Actis Poloniam adornantes,
quorum distinctas enarrare laudes
brevis hæc non sufficit pagina.

Complent Gloriæ & Honoris ZAŁUSCIANI Decorem
Celsissimæ, Illustrissimæ Colligatæ Domus

Ducum RADZIVILIORVM,

Prin-

Principum JABLONOVIORVM,
SOLTYKIORUM, LESZCZYNIORUM,
KONIECPOLSCIORVM,
OSSOLINIORVM, ZAMOYSCIORVM,
LACKORONSCIORVM,
POTKANSCIORVM,
DZIAŁYNSCIORVM, OGINSKIORVM,
RADZIEIOWSCIORVM,
OLSZOWSCIORVM, DENHOFFORVM,
SZOLDRSCIORVM, SZANIAVIERVM,
SIERAKOVIERVM, OPALENSKIORVM,
KRASINSKIORVM, MASSALSKIORVM,
TARŁONVM, SZEMBEKORVM,
CHLEBOWSKIORVM,
ŁĘDCIORVM, PONINSKIORVM,
GŁEMBOCKIORVM,
DREVICCIORVM.

&c Millena alia in utraq; tam Majori quàm Minori Polonia
Russia, primarum Familiarum Nomina.

Inter tot Colligatas Familias, ac Illustrissima
ZALVSCIANÆ Domûs decora,
prono mihi venit adorandus Cultu
Celsissimus olim PRINCEPS

Illustrissimus & Reverendissimus Dominus

D. A N D R E A S
STANISLAVS KOSTKA

Hæres in Załuskie, Okęcie, Kozietyły,

Z A Ł V S K I.

DEI & Apostolicæ Sedis Gratiâ
EPISCOPUS Cracoviensis DUX Severiæ
Eques Aquilæ Albæ
Studii Generalis Universitatis Cracoviensis
Cancellarius faventissimus.

Patriæ Pater, Ecclesiæ Fulcrum Monarcharum Delicium
cujus gloriosos actus, dum calamus mistâ cum lacrymis
sepiâ exarat, animum in mærorem,
cor in graves provocat singultus.

Qualis quantusq; fuerit PRINCEPS Cellissimus
ipsa Eundem merita toti Polono declarant Orbi.

Quidquid in Eo erat, virtus erat,
parû ille ratus ab excelsa Genesis magnitudine,
Magnum & Nobilem esse,

ni rectefactorum eminentiâ, sublevaretur.

Et licet fatali Libitinæ dejectus ictu,
suo hodie cum stellis vespertinis succumbit occasui,
credendum tamen est:

quòd non est istius sideris Eclipsis, sed aux vera,
sed luminum concursus,

sed tota illuminatio in umbra mortis sine ūbra.

Maximis meritis tam in Ecclesia DEI quàm in Patria clarus
etiam inter umbras sepulchrales illustrissimus;

Quem invida minuere nequit Nemesis
cujus facta Orbe majora,

super fata faciunt Eum triumphare.

Nulla mentis ejus fuerat operatio,

quæ Authori rerum non placeret,

nullum verbum

quod

quod ad constructionem optimæ vitæ non pertineret,
nullus incellus, ut non esset gravis in virtute.

Totus Ille in terris Cælo dignus vixit,
corpus si excipias (si tantum excipi poterit)
cùm fuerit in suis animi dotibus omni exceptione major,
vicit meritis famam, gloriam factis, hęc morte Superior
quod vixerit tanquam moriturus.

Paruit quidem legi mortalitatis,
sed se prius iniquo oblivionis jure memorandis factis vindicavit.
Quod fuerat commune omnibus adimplevit moriens,
sed Patriæ & publico vivendo vixit commodo.

Ut post fata esset in Orbe superstes
meritis suis annales implevit,
ut in æterna memoria sæculorum esset
nil non dignum æternitate egit.

Non frustra Illi fata suõ ferreõ Itylõ
Immortalis gloriæ exstruunt Mausoleum
quia optimè nôrunt
quod merita Principis hujus Celsissimi
ita in infinitum excrevere numerum,
ut non aliquo alio, quàm sola sint æternitate mensuranda.
Annos hujus Magni Præsulis ad tabulam non revoco,
singuli enim ejus anni, erant anni gratiæ,
dum singulis, innumeras favorum Ecclesia & Patria
numerabat aristas.

Nulla erat tam sterilis ejus ætas,
quâ, sub publico sole novi ei honoris
non maturesceret fructus.

Nullus mensis qui non Augustum, non Julium,
id est ex utroq; Cæsarem illum non probaret.

Arborem illum facilè dixeris;
si fructus aureos perpendas,
etiam nobiliorem,

dum in ea virtus omnia transcendebat.

Quidquid gessit immortalis dignum coronâ,
quidquid dixit oraculû, tanquã os Ejus Tripas,

Caput Bibliotheca foret,
ut Eum sæculorum clariùs loquerentur fasti,
mutis Magistris toto favebat animo.

Unde calamitas fati nulla in eo fuit,
quia hanc calamis proscripsit;
pietate in Deum, amore in Patriam
Pompilios Scævolasq; exæquavit,
unum cum illis sentiens:

nempe ut Aræ fociq; in tuto consisterent.

Verbo PRINCEPS Hic omni exceptione major,
tantum animum à teneris statim exhibuit,
quantum Atlantes requirunt ut Orbem regant.

In prima statim ætatis aurora
optima in illo excelsarum probitatum eluxit indoles
dum illa tantum tractare anhelabat
quæ grandævos Nestores poscunt.

Laboravit semper pro gloria Gentis
quivis Actus Ejus æternitatem sapiebat,
quodvis opus immortalibus dignum fuerat inscribi fastis.
Heliconem non expetebat alienum, Domi Musas habens.

Pro

Pro Scholastico Phæbo, pro Cleanthæo lychno pro face Diogenis

AGNUS Gentilitius illi Lucerna fuit.

à duobus Præsulibus Sacris,

CHRYSOSTOMO & LUDOVICO

pietissimam institutionem Juventutis sumens,

ita sub illis brevi profecit,

ut etiam difficillima quæq; capaci suô ingeniô penetraret.

Nullus illum magis sermo, nullus discursus melius delectare potuit,

quàm qui à DEO, de Pallade, vel bono publico habebatur,

corpore pusio, animo Vir, eminus cominusq;

à levibus abhorrebat, faceta respuebat contemnebat,

Post expedita domi studia ut ad gustum Regum saperet

FRANCISCUS Palatinus protunc Czerniechoviensis

dilectissimus Patruus

in Alavensi Regii PRINCIPIS JACOBI SOBIESCII Aula,

commodissimam Illi adinvenit Palæstram,

in qua politioris vitæ cum didicerit mores.

ita suam expolivit juventam,

ut Serenissimum Principem

ad sui traxerit æstimationem, tantumq; cordi adhæsit,
quantum Epaminondæ Lyfias, aut Agamemnoni Nestor.

Non latuerunt illius præclaræ in obscuro dotes;

sed radiorum instar per animos Procerum

diffusæ emicabant.

Vidisses alios in Aulis liberos negotiis, computationibus immorari,
vidisses instar vespertilionum ad occasum solis volitare:

fugiebat Ille ejusmodi consuetudinem,

abhorrebat à perversa colluvie hominum,

nihilq; nisi solidis intentus rebus, ad Reipubl: commodum,

& Patriæ defensionem spectantibus cogitationibus,

summam integritatem, vitæ continentiam,

cum castimonia moderationem animi consecretabatur.

Eminebat jam tum in eo ad præclara quævis animus excelsus,

K

Ferve-

Fervebat in pectore honesti, ac boni publici amor,
cupiebat avidius occasionem benemerendi de Patria,
quâ illas Illustrissimæ Prosapie ingenitas dotes,
illas generosissimo sanguini innatas virtutes
in amplissimum theatrum famæ produceret.
Et cum jam in Aula Regi Principis didicerit honestè vivere,
placuit etiam illi exterorum mores discere Regnorum,
Noverat quod magnificentius emicavit in Colchide Jason,
quàm inter domesticos Thessaliæ parietes.
nec solem continuus per Cælum infamat cursus.
Unde Italiam, Galliam, Lutetiam, Austriam invisit,
omnesq; qui virtutem sapere peregrinos mores
sibi ostendit esse inquilinos.

Ibi maximis parem, & Majoribus majorem
se exteris præsentavit, & dum relictâ
Aboriginum horum mentis oculô respexit vestigia,
sue virtutis gravem eis addidit decempedam,
ut augeret: non expers;
quod lentescat curias, cum juvenus malè decoquitur.

Noluit solo sanguine sed etiam virtute niti,
sibi ipsi persuasit;

Majorum facta colenda esse non Imagines.

Unde quotquot subintrabat Academias, qualibet
in ejus venerationem cadebat
quot quot veniebat in Regna
Rex animorum videbatur.

Sub diverso Gentium Nationumq; Polo,
eundem nativum servavit virtutis candorem,
atq; ita Exoticos lustravit Soles, ut illis lumen sua affuderit probitate.

Limites Regnorum transeundo,
nunquam ultra terminos & rectitudinis metam processit.

Alto

Alto sanguine insignis, virtute magnificus,
docto occupari labore, non inglorium duxit,
& nisi seriis negotiis incumbere novit.

Sublime ac planè Divinum nactus ingenium
hoc effecit: ut omnes scientiæ animo ejus germanæ fuerint,
ipsaq; sapientia, tale in Eo domiciliū adinvenit,
acsi Latio mansisset, vel Athenis.

Nulla in Philosophicis contemplationibus,
tanta sublimitas fuit,

quam excelsò animò non attigerit,
nulla tanta in abstractionibus perplexitas,
quam felicì ingeniò non superaverit.

Obfirmatò adversus omne arduum animò,
obversaq; contra torrentem difficillimi ingenii carinà,
in mediis Eurippi anfractibus
perfectæ portum quæsit scienciæ, & invenit.

Ex spinis Logicalibus

vernantis honoris & emeritæ laudis sibi nectebat,
parabatq; Coronas

quæ ne unquam marcescerent

vigorem dabat Eurippus Aristotelicus.

Non tantum rationalis scientiæ fidelis fuit indagator,
verum & Naturæ secretorum,

cum de rebus discurrendo creatis

abscondita à multis illarum arcana

excultissima sagacissimæ mentis suæ acie
indagavit, penetravit, adaperuit.

Quidquid Historicorum calamus suis inscripsit Fastis,
capaci sua complexus mente.

Quidquid Archimedes
de Cælorum circulatione annotavit,
velocissimo ingenii adiit motu.

Quidquid Ptolomæus & Euclides
de orbis terraquei situ in Mappas deduxit
vel in volumina, compendiô tenuit
Æquè Philosophus, æquè Tullius,
æquè in omnibus versatissimus.

A naturalibus tandem ad super naturalia,
à sensibilibus ad intelligibilia
felici processit passu,

& finitis humanioribus scientiis,

Divinas tractare cæpit,

illi mentem suam consecrando doctrinæ,
quæ nihil profanum, omne sacrum omne Divinum amplectitur.

Medio Fidei lumine

quod religioso fovebat corde,

Deum qui inaccessible inhabitat lucem,
ad Thomisticum explorabat solem,

Indivisibilem Divinitatis unionem

in Aquinaticis undis sedulo conamine exquirendo.

Nulla Thomisticæ doctrinæ extitit summa

cui Ille pretium non superadderet,

nullus articulus, quem non indigaret,

nullum librorum folium quod Ille non carperet

suo Capiti in Coronam.

Docta

Docta cùm fuerit eruditæ Palladis progenies

A N D R E A S,

æquo pollice cuncta vibrantē adamavit Astræā,
verus illius ac fidelis Cultor,

nam & ex asse illius sancitorū justus Defensor.

Stupuit Romana Pallas

ubi vidit:

quòd non ex ipsius Jovis Capite tantum,

ast & ex ANDREÆ vertice iterum prodire posset,

si cunas repetere vellet.

Imò

ne tanti sudoris semina

justorum præmiorum carerent messe,

Laurus in coronamentum erudito Ejus excoluit Capiti,

gemmas sudoris, Doctoralibus applicavit Coronis,

Doctorem in Jure Utroq; promulgando,

Cessit itaq; Doctoralis laurea

A N D R E Æ,

non quod illâ indigeret.

(Ipse sibi gloria, Ipse eruditorum Corona,)

sed ut monstrâset Sarmaticum campum

non sterilem glebam esse,

ex quo Viri prodeunt, quorum tempora

nonnisi ad laureas, coronas, mitras, vel tiaras assurgunt.

Tanto Honoris Doctoralis insignitus decore,

vix redux in Poloniam, Patrios attigit limites,

illico sibi omnium corda in applausus excitavit,

L

Movit

Movit ad sui desideratissimum adventum affines in sui amplexum.
pares, in admiratione, obsequentissimos in veneratione,
imò Ipsos Honores in sui assecutionem stimulavit.

Inter hos salutatorios plausus
applaudebatur gloriæ Illius aureum CHRYSOSTOMI
& liliatum LUDOVICI Patrum ejus Nomen,
dum uterq; suo eundem admoventes lateri
virtutem illius exactissimam altioribus honoribus
coronare curabant.

Multis meta, Illi primus ad dignitates Ecclesiasticas gradus
Canonicatus Plocensis fuit

à quo dum ad Canonicatum Cracoviensem processit,
mox Pultoviensi Decanatu, Præposituræ Plocensi,
Ducaliq; Siedlunensi titulo allociatus exitit.

Ad Tribunal Regni votò Perangusti Capituli Cracoviensis
Judex Deputatus electus
quantum pro iustitia certavit
facta ejus loquuntur.

Nunquam illo præsentem triumphavit iniquitas,
cum nec illis parcebat sceleribus,
quæ purpuras induunt, ut magnificentius peccent.

Omne illius de Jure allegatum, oraculum fuit,
omnis sententia unius sensus cum Themide,
Habuit in corde Ejus oppressa innocentia
fortissimum propugnaculum
habuit gemmæ mentis pondus, virtus;
sola crimina Illum acerrimū senserunt vindicē
dum illa condemnabat.

Ex Tribunali Regni
vocatus ad Plocensem Tiaram
favente

favente sibi gratiâ
Serenissimi ac Invictissimi
A V G V S T I I I.

Poloniarum REGIS,

portavit indefessis hoc Episcopale humeris onus
quod semper Atlantes poscit,

quæ in tam arduo officio munia dantur,
promptius illa exequebatur, quam poterant evenire.

Caput totius Diæcesis cum fuerit;
irrequietè cogitabat, singulorum menti respondere.

Poscebant Judicem Causæ,
protinus habuere ANDREAM Aristidem.

Poscebant Visitatorem Ecclesiæ,
nunquam illis defuerat,

poscebat Clerus reformationem,

adfuit illis Præsul hic Illustrissimus Lydius lapis,
singula ad debitum Ordinem (qui est anima rerum)
reducendo, & juxta regulas recti disponendo.

Irrigabat totâ Plocensê Diæcesim plenitudine sapientiæ,
avellebat Itolones, frugiferos surculos implorando.

Diæcesanam gloriosissimè celebrans Synodum
eas præscripsit leges,

quæ bono Ecclesiæ essent proficua, & curæ animarum.

visitabat Ecclesias vigilantissimus Pastor,
non sinè plausu, non absq; comitatu virtutum,
quidquid locutus, in oraculum abibat,

& quocunq; divertit,

Tripodè secū ferebat, nihilq; non æstimatione
dignum peragendo.

Enodandi erant magni difficultatum sensus,
enodavit Antistes sapientissimus.
resolvenda erant occurrentiū perplexitatū dubia, resolvit:
porrigenda erant salubria in arduis consilia
porrexit, ad omnium stuporem
ac debitam eruditionem.

Nil ejus animo magis jucundum & acceptabile fuit,
quàm dies, horas, quinimo momenta vitæ suæ
Divinis consecrare rebus,

Libris Asceticis commorari,
& devota mente in terris, supernis occupari negotiis.

Ne DEO sacratus Myſtarum cætus,
in cultu Superūm decreſceret unquam,

Seminarium non tantū à fundamentis erexit,
verū etiam copioſa dote cumulavit

Orphanorum Pater

succurrebat egenorum miſeriæ
dum Orphanotrophium pro educandis puellis
proprio ſumptu ædificavit.

Procancellarius Regni proclamatus,

Regem, Patriam, Libertatem, ſvaviſſimè quieſcere
ſecuriſſimè recumbere fecit in corde ſuo,
Ipſe ſolus in Regum, Procerum, Civium, populi cordibꝯ
recumbens, & affectibus.

Optimo ſucceſſu publica negotia omninò evenire debebant,
ad quæ pertractanda illius profunda mentis ſubtilitas,
veneranda omnibus authoritas, comitas
omnibus diligenda influebat.

Quis non miratur hujus Præſulis activitatem?
dum

dum Mars Sveticus in Poloniam læviit
extremam minando Urbibus, Oppidis, cladē,
quis hos rebelles pacificavit hostium tumultus

ANDREAS ZALVSCIUS,

Effecit hoc suo labore & Authoritate,
ut disunita pectora coadunaret
discordiam è finibus Regni eliminaret,
desperatam Patriæ pacem imò salutem restitueret.

Sacra Regia Majestas

Illius probatissimæ fidelitati

concrediderat avulsorum ex Oeconomis Regiæ Mensæ
cognitionem in Commissione Brestensi Lithvaniæ
in qua peritissimus Præses Regia vindicando Bona
ad pristinum deduxit statum.

Placuit hæc in ANDREA animi dexteritas & prudentia

Serenissimo olim AUGUSTO II. Regi
idcirco jam illum Cancellariū Regni elegisset.
ni præveniens fatum Regia vota distulisset

Perfecit tamen Paterna vota

Serenissimus ad præsens Regni Gubernia tenens

A V G V S T V S III.

Poloniarum Rex

Patre Magno non minor Filius

Qui

Rectefactorum Illius rationem perpendens

CANCELLARIUM Regni constituit,

M

post

post Plocensem, Luceorienſē, mox Culmenſē
Episcopatum obtulit.

ut magna merita Ejus magnīs coronāſſet titulīs,
CANCELLARIUS Regni factus;
non ſibi ſed communi Reipub: vixit bono.
Curavit adhibere ea omnia quæ illum poſteris ſæculis
commendabilem redderent,

nimirum:

animi rectitudinem,
legum & juſtitiaſ observantiam,
Nominis Poloni apud Exteros commendationē
ſecuritatis publicæ curam, Eloquentiæ triumphum,
infomnem in munere vigilantiam
& meritorum Coronam.

Inter curialia negotia, ſinē noxa verſari,
curis ingentibus ſinē ſtudio perſungi,
diſcutiendis cauſarum perplexitatibus ſinē tædio aſſidere,
Regii cordis intima ſinē animi ſtultitia intelligere,
Heroicum ſemper putavit, & implevit.

Senator digniſſimus,
pro veritate & juſtitia zelare,
pro Majeſtate Regum proq; bono publico ſincerè loqui,
pro libertate & integritate legum Patriæ certare,
laudabile ſemper cenſuit,

In publico Nobilium Conſeſſu,
diſertum egit Cineam, vel ignes dicentem Illocratem,
ubi frigidioreſ in publicum mentes
matura perſvaſit deliberatio.

Inter

Inter Stoicos Ethicè, inter Cives Patriæ Politicè
inter Christianos Orthodoxè, inter Spirituales exemplariter,
inter pares familiariter vivens,
in veritate candidus, in varietate nullus,
in virtute extiterat omnis.

Ab his animi dotibus, statorem suum fatebatur Polonia,
Ecclesia Numam sub ritu solemni illum coluit,
Cives fulcrum adamantinum adorabant,
quia in Illo habuere suum columnen, & præsidium.
Lingvarum terè omnium idiomata novit,
lingvam tamen non movit in excessum,
sed interprete quadam secus ac vate,
cordium intus latentia scrutabatur.

Os & pectus Illius, Cyrrhæ dicerem domiciliū,
ni sanctiora oracula sapientibus etiam copiosè fuaderet,
ut ad majorem Dei Cultum moverentur.

Quis referet quot secum solatia quot gratias tulit
Luceoriensi ac Culmensi Diæcesi

ANDREAS ZALVSCIVS?

ut Gloria DEI & Honor magis ac magis augeretur
collabentes Ecclesias restauravit, Clerum numerosiorem adauxit
erroribus & pravitate Hæretica purgavit,
inobsoletis sacrorum Ritibus emundavit;
Verbô, omnia exactè, omnia gloriosè expedit.

Nulla oris ubertas exprimet,
quos vigilantissimus hic Pastor & Visitator tulit labores,
quot toleravit inquietudines,
gravida quidem illi aliqua erant, vicit tamen omnia unus.

Religiosus Illius fervor,
fomes erat aliorū virtutis & cordis incendiū,

ita tamen delectabile;
ut eô cremari & exuri,
non fuerit tortura ullius Perilli, sed voluptas.
Zelus Divini Honoris, quantus in Illo erat,
vel ipsa fama publica

Stygiam impietatem Hæresiarcharum Thorunensium
feriens & confundens per verbum quidem non licet:

Brevi Apostolico Summi Pontificis, olim

BENEDICTI XIII.

expressa, sed Summis ab Eodem celebrata laudibus
totum diffusa per Orbem testatur.

Unica supererat ferrô expianda nefandorum Cyclopum
(Thorunenses Hæreticos intelligo)

mota contra Cælum rebellio,

tot nimirum digna mortibus

quot per blasphemix ictus Divûm honori inflixit vulnera.

Expectabantur vindices Cælorum iræ, & irati cum tonitru Joves;

ast adfuit pro Jove Tonans ANDREAS,

Qui Vice-Præsidem in illa Commissionem agens
vibrato in Phlogræos fratres justî rigoris fulmine,

execrabile abolevit nefas,

documentum Gentibus daturus

inter septentrionales nives, non deesse zeli Divini flammam,

qua magnanima Procerum Poloniæ

corda succendantur.

Post tantû Heroicû Actû sæculis memorandû

ultro se Capiti ejus Cracoviensis obtulit Infula

cui quamprimû suum submisit Caput

protinûs ita protracta metiebatur lustra,

ut me-

ut meritorum claritate redderet illustria.
Egregius Divini Gregis Ductor ANDREAS,
commiffas curæ fuæ pascere non defuit oves,
non communi pabulo fed doctrinâ & exemplô.

satis pervigil Pastor;

cùm & Gentilitium Arietem in Custodem ovium,
ne à femita recta deviarent immolaverit.

Solis naturam imitatus PRINCEPS Hic Celfiffimus
qui dum in meridie fiftit, magis fervet & lucet.
Ille in Apogæum Vavellani eluctatus Honoris
nitidiores virtutum indies fpargebat radios.
Adeò mens ejus religiosa pietate Cælo appropinquaverat,
acfi nihil terræ interesfet, præter Corpus.

Templa Diis facrata

quò animò, qua follicitudine, quo labore visitabat
tota Diæcefsis fidele testimonium præbet.

Jupiter Omnipotens,

semel tantùm in Midæ avari laribus hofpes, vifitator
domum quam incoluit auream effecit;

Pastor Hic vigilantiffimus,
in Ecclefiarum Parochialium vifitatione,
tot annos emenfus

quoties eas vifitavit, toties aureas effecit

Spiritu Domini plenus,

antiquarum legum rigorem & vigorem
in illis confervando, Cultum Superùm promovendo
cuncta in pietate DEI & proximi charitate folidando.

N

Ut vi-

Ut vinea CHRISTI multis & doctis abundaret Operariis,
diligenti attendebat animo;
neminem ad Sacros Ordines accedere voluit,
quem morum elegantia, innocentis vitæ probitate,
& doctrinæ tandem sufficientis decore
circumornatum non videret.

Multi sunt, quos moles curarum terret,
qui è vestigio hærent, dum ad Gordios nodos,
& ænigmata negotiorum veniunt,

Principi huic Celsissimo,
Consilio & Auctoritate bonū publicū juvare,
bonos promovere, pro Ecclesia certare
dulcissimus fuit labor,

tamq; facilis, quam exequibilis.
Testes sunt horum omnium tot publica munia,
tot Commissiones, tot Regni negotia quæ cum omnium stupore
per Illum gloriosissimè sunt gesta, & expedita.

Satis honoris sibi accumulavit apud
Serenissimum ac Invictissimum
A V G V S T V M III.

Poloniarum Monarcham
Z A Ł V S C I V S,
dum Illum dignissimum ordinaverit, ut inter
Serenissimum Baviaræ Electorem
Regiamq; suam Filiam
Matrimonialia Connubia

Sacra

Sacra benedictione & assistentiâ compleret.
Quam altum de sublimitate virtutis Ejus sensû

Magni Proceres

publicis probaverunt gratiis
tam sublimem omnes status Reipublicæ
de Illo conceperunt opinionem
in Comitibus olim Generalibus Regni Grodnensibus,
dum Illum Legum Novarum Dictatorem
antiquarum Correctorem
cum plausu omnium Ordinum elegerunt.
Molestabat tantus labor Principem hunc dignissimum
non tamen in commissis sibi functionibus
manum de tabula subtraxit
donec ad finem debitum reduxerit.

In Purpurato Patrum Senatu
hoc fulminante Pericle,
pallere Clodios, exspirare Caligulas necesse erat.
Aureo oris disertissimi torque
aliorum sensus, in suos traxit,
& publicis negotiis tulit meliores.
Nec Nestor Agamemnoni, nec Demosthenes Alexandro
tam utilem præstitit svadam,
quàm Præsul hic sapientissimus
bono Reipublicæ devovit.

Nullus inter Cives Patriæ Civis erat,
quem ille melleo eloquentiæ non emolliret nectare,
& Cor in partem boni publici, aureâ oris non flecteret catenâ.
Verborû illius pondus, gravibus correspondebat negotiis,

quæ rebus difficillimis implicata
ut in fortunatiorem manducerentur eventū.
Ariadneum dictionis & rationū filū à Præfule

ZALVSCIO habuere.

In Radomiensi Sacrario Furis Præsidentem agens,
æquè judicabat; stipendia Militum promovendo,
injuriam populi amovendo, obortas lacrymarum nube facies,
Pompilio clariùs, exoptato serenabat successu.
Æstimabat probitatem, contemnebat scelus,
coronabat gloriam, æquitati non injurius,
grande piaculum putans,

si aut virtus deformem, aut vitium formosam gerat faciem,

& utraq; parî titulô foveantur.

Cùm ali certarent pro privato, Hic pro publico,
cùm alii in partes diversas agitentur,
Ille integritatem boni communis observabat.

Prima ipsi cura fuit

inter obsequia Regni, & negotia Regalium Majestatum versari,
ad quæ pertractanda vivido accedens spiritu
semper eadem masculô expedit animô,

Pietas hospes in aliis,

apud hunc Principem domestica virtus
tantum sibi de illius respectu meruit,
ut eandem omnibus curis & actionibus præponeret.

At quemadmodum non una stella Cælos,
sic Illum non una duntaxat commendabat virtus.

Præter pietatem sic Clementia illi inviscerata erat,
ut penè in naturam transivisse videretur.

Tonare

Tonare lingvâ, fulminare ore,
corrugare supercilium non illius mos erat,
tam procul hoc à vultu Principis remotum,
quàm ab animo alienum.

Idcirco:

proscripsit ex præcordiis furorem,
eliminavit iras,
cum omnibus benevolè, cū singulis Paternè procedendo.
Quàm amabile & beneficum fuerit sidus
illi nôrunt, qui lenitatem ejus experti,
toti in amorem Ipsius etiam post fata rapiuntur.

Virtutum Ilias cum fuerit,
innatam benignitatem autoritate,
modestiam gravitate, clementiam justitia temperabat,
omnibus jucundus, omnibus concessibilis
nemini non affabilis.

Nulli illi unquam fuere gratiores, quam ingrati,
nulli propius ad illum accedebant,
quàm qui longè ab Eo animò distabant,
nullæ vices jucundiores, quàm odii non redolere vices.
Subditorum injurias nunquam non agra tulit mente,
quorum Pater, non Dominus erat.

Totam in laboribus duxerat vitam,
sancta fide firmatam, probitate exornatam,
sicq; æternaturam posteris tradidit ad memoriam.

Magnæ virtuti Magni Præfulis
etiam corporis ædem decentissima in natura formaverat.

Facies ejus decora & amabilis.

O

Maje-

Majestatis simul & lenitatis plenissima,
identidemq; verecundiæ pulcherrimo roseto purpurascens,
magnam intuentibus gratiam magnam clementiam aspirabat.

Oculi hilares sereniq;
absq; omni rigido supercilio,
omnis pietatis mansuetudinis, internæq; puritatis
radiis emicabant. Os facundiæ cōmitatisq; sedes,
etiam cum vitia argueret dulcescebat, amabaturq;

Staturæ eximium decus,
motusq; Corporis ubiq; gravis ubiq; maturus,
veluti ex religiosæ disciplinæ legibus compositus,
magnam optimi Exempli materiem,
magnum excitandæ pietatis fomitem præferebat.

DVX Severiæ ANDREAS.

non severus sed in omnes benevolentissimus;
per benevolentiae suæ vigorem, sæpius justitiæ temperabat rigorem,

apud quem nihil fuit singularius,
quàm fundata in ratione benignitas.

Novit quòd Principe magnanimo minor est injuria quævis,
illud monitum Politici, memoria semper tenuit,

Vires non experiare nocendo qui Princeps vis esse dicitur.

Unde in Tribunali Severiensi judicans,
neminem injuriis,

quemlibet beneficiis oppugnabat.

Scivit quod sit indecorum & inhumanū irasci,
ideò non sensit injurias, nec intulit,
scivit quàm sit immane improbumq; ulcisci,
ideò non reddidit vindictas.

Apud alios non lucem tantū, sed & ignem habet Purpura,
apud PRINCEPEM Hunc CELSISSIMUM,

tantum

tantum venustatis habuit Trabea,
quantum decoris clementia.

Sub Illo ab aliquot Annis sepulta Iudicii terrestres
in Ducatu Severiensi resuscitata Iustitia
ad quam reassumendam Iudices Terrestres constituit,
ut omnibus daretur Campus suas deponere quærimonias.

Ne ex sua incuria,
aliqua saluti publicæ fieret injuria,
vigilantissimum semper agens Euthyadem,
hoc faciebat, quod publica persvadebant commoda
quod miserranda rogabant discrimina vulgi.

Et cum omnibus affabilis fuisset,
ita singulos mira humanitate sua prosecutus est,
ut merito dubitetur an in mundo hominem egisset,
an humanum quoddam erga homines Numen.

Haud enim hominis est
ita esse dignitate summum,
ut infimis humanitate inveniatur æqualis.

Habuit in Eo Respublica Polona quod amaret & veneraretur,
habuit laudis & gloriæ appetens Patriæ Civis

quod imitaretur & coleret,
habuit Curia, Patria, Ecclesia & omnes alij status,
quod laudarent, & suspicerent.

Magnus Literarum & Literatorum æstimator,

Princeps Hic sapientissimus
tanto erga Viros Eruditos ferebatur amore,
ut illi nil amænius fuisset quàm cum Illis
versari, & doctis interesse Eorum discursibus.

Tunc illi summa quies erat

cùm sonarent Porticus, & stœ sophorum,
tunc jucundus confessus,
mensa festiva,

cùm non deessent sales eruditi.

Sylvestres aliis placent ad mensas, Illi docti arriserunt lepores,
Inter graves negotiorum curas nullam intermisit horam,
quâ cum Literatis aut de Literatis loqueretur,
rem magni existimans amisisse momenti.

Viros eruditâ virtute præstantes,
arrectis non audisse auribus.

(vit.

In Varfaviensē Bibliothecā ingentes profudit sumptus, & magnificè funda-
ut commodo & utilitati Patriæ deserviret,
ut haberet Polonia quò generosissimas pasceret mentes.

Sed non hic adhuc laudem dignissimi PRINCIPIS Coronis,
quia nec meta rectè agendorum.

Meretur ampliores Apotheoses,

qui nil non dignum insigni elogiò peragere sivevit.
Procedebat semper graviori de virtute in virtutem passu,
nullaq; fuit probitas, quæ in Illo non fulsisset,
Quodsi actiones Ejus melius quis perpenderit,
videbit in operando prudentiam, in regendo judicium,
quæ singula recensere ac in compendiū vocare,
non unius Oratoris labor est.

Munificentissimus Mæcenat

fluxa bona non amavit, nisi ut fluerent
& mox ut intrârunt, exirent in subsidium egestatis.

Effusus liberalitate in omnes,
quò munificentiores mendicantibus largiebatur dotes,
eò beatiorem sibi adauxisse sortem opinabatur.

Non ille divitias nigricantibus abdedit antris,

Non

Non tenebris damnavit opes,

sed largior imbre

sueverat innumeras hominum ditare catervas

Volupe Illi erat omnibus benefacere,

id pro principali reputabat,

omnium subvenire inopiæ,

ac intelligere super egenum & pauperem.

stabat atriis Illius affusa miserorum multitudo,

nec diu eam stare ad propria permisit limina,

facillimam ad aures admissionem exhibuit,

ab auribus in cor clementiâ plenissimum.

Ærarium hujus PRINCIPIS

apertus semper erat communi indigentiae thesaurus,

Ex AGNO Ejus GENTILITIO,

(qui aurea fortunæ vellera gerit)

procedebant in pauperes amictus, in egenos chlamydes,

Opibus Ipsius

ditabatur egestas,

alebantur Nosocomia,

totusq; pupillorum cætus sustentabatur.

Seminarii Academico Diæcesani

F V N D A T O R,

non tantum illud ad decorem totius Diæcesis

majoremq; Divinum Cultum,

à fundamentis exstruxit,

verum & satis proventibus auxit,

P

Peren-

Perennabit Principis hujus munificentissimi memoria,
in cordibus alumnorum, ac ad statū spiritualē aspirantiū,
nulloq; delebitur cum tempore, nullis effluet cum sæculis,
cū Illius Nomen Academicæ Musæ,
semper vetabunt mori.

Ipsi muti de parietibus lapides
magnificè erecti ac provisi,
illius munificentiam loquentur,
suumq; FUNDATOREM non desinent enarrare.

Jam igitur

Academica Pallās

ex herba gratitudinis suæ
nectit immortalis Gloriæ Coronam

Z A L V S C I O,

pariter Protectori ac Fūdatori suo obligatissimo.

Pridem quidem scholastici calami

Gratiosissimum ANDREAM,

immortalibus inscribere fastis,

Universitas Cracoviensis,

munificentiam PRINCIPIS Hujus & patrocinium,
tunc nonnisi scribere & deprædicare desinet,

quando desinet & Orbis.

Inter hæc liberalitatis Mecænatis hujus documenta,

quanto Erga superos flagravat amore,

testantur id Sacræ Divûm Ædes,

aliæ splendidis decoribus ornataæ,

aliæ ut Phænices de cineribus formosiores evolando,

quotidianas laudes

Resusci.

Resuscitatori decantant & decantabunt **ANDREÆ.**
Non cessabit condignis celebrare elogiis suum Pastorem
Coronatrix Regum Cracovia
quam per exportatas quadraginta horarum Indulgentias
à Sanctissimo olim **BENEDICTO XIV.**

Summo Pontifice,
non tantum ad pios devotionis accendit actus
verum & Ipse pientissimo præibat exemplo,
sanctas visitando tam intra quam extra
mænia Urbes Ecclesias.

quas Ascetico incolebat spiritu,
& sanctis replebat suspiriis.

Innotuit tam optimè hujus **ANTISTITIS**
circa bonum Ordinem Ecclesiæ cura & sollicitudo
singulis Decanatibus Diæcesis Cracoviensis,
maximè per intimatum Processum ad celebrandam
Generalem Cracoviæ Synodum,
quæ gloriosissimè expedita fuisset,
ni fata vitam Principis breviâssent.

Utinam ad vota omnium vixisset diutius sinè exitu vitæ
PRINCEPS ANDREAS
quæ semper optima agendo, beneficia largiendo inchoabat
quotquot heroicos reliquit actus, tot perennaturæ famæ documenta.

Hinc jam
ad Sarcophagum **PRINCIPIS**
Z A Ł V S C I I.

Plangeret suum Patria Patrem, desleret Religio Defensorem,
Senatorem Curia, vindicem libertas, pupilli Tutorem,
Seminarium Academico Diæcesanum

munificentissimum FUNDATOREM,
ni optimè sciret: quod
PRINCEPS ZALVSCIVS

abiit tantùm ex oculis, non obiit
& post tanta molimina rerum quæ fecit respiravit
non exspiravit,

labores tantùm temporales, non vitam finivit
Non est mortuus **PRINCEPS** Hic Celsissimus,

sed se sublunaribus subtraxit consortiis,
& dum diem ultimum terminavit, æternitatē inchoavit.

Immo quomodo mori potuit, qui probitati semper
vitiis nunquam vitam suam dedit.

Eminebat Ille meritis sinè fastu, quod rarissimum est,
vixit sinè querela quod sanctum,

certabat pro bono Patriæ & Ecclesiæ sinè vicissitudine, quod mirum,
tam in splendore actionum immortalium

quàm in umbris terminalis vitæ Illustrissimus,
in perennem operum immortalium vel inde abiit historiã,

quia Illi ipsa fata Mausoleum immortalis gloriæ
ferreô suô stylo extruxerunt.

Sic decuit **PRINCIPEM** Hunc immortalem reddi à fatis
dum nihil invita egerit, quot non esset perenni dignum memoria.

Si illi fata applaudunt, justum est; quia probissimo,
quòd eundem fastis immortalibus inscribere stylô ferreô,
quia emeritissimum,

quòd Coronâ æternitatis donavere:

quia dignissimum, quia sapientissimum.

Jam nunc per fata **PRÆSULUM** unio **ANDREAS**,
rediit ad annulum æternitatis

jam reversus ad Coronam Sanctorum
pretio.

pretiosus Ecclesiæ lapis,
jam receptus JUNOSSIVS inter sidera AGNUS,
& licet vita temporali privetur, vivet tamen
vitâ meliori, quia æterna.

Non potest de Libro viventium deleri
PRINCEPS Hic CELSISSIMVS,
Qui id toto vitæ suæ tractu unicè curabat
ut in omnium affectibus semper perennaret.
Valuit autoritate Domi, foris Procerû ita adhæsit cordi
ut ubiq; gloriâ singulos excelleret.

Exemplar futurus posteris, nisi ea exhibuisset vivens
quæ imitari vix audebunt summi, & maximi.

Vixit Patriæ decori,

Ecclesiæ fulcro,

Mularum commodis, clientum usibus.
etiam omnium amoris vult & post sua vivere fata.

Idcirco:

In Tuo primò cupit perennare corde
Illustrissime, Excellentissime, & Reverendissime D.

D. VENCESLAE HIERONYME

De Bogustawice

SIERAKOWSKI.

ARCHIEPISCOPE Nominate LEOPOLIENSIS,

& qui vivus nexu sanguinis Tibi junctus erat,
etiam post fata à Te disjungi non vult,
ultimæ voluntatis suæ te Protectorem eligendo.

Novit Ille Tuas, multumq; æstimavit,
solicitas pro Bono Patriæ & Ecclesiæ curas,
ideo se Tibi sortesq; relictas

Q

com-

committere voluit disponendas.
Præbuit Tibi Cor vivens & voluntatem ultimam sui,
procertò sciens, quòd non fines
Animam ejus in cinere oblivionis manere.
Eundem etiam post sua fata à Vobis exposcit amorem,
quem vivo PRÆSULI præstabatis

Perillustres & Reverendissimi Domini

D. JOSEPHE GORZENSKI,

Ecclesiarum Cathedralium Cracoviensis,

Posnaniensis CANONICE,

Insignis Collegiatæ Pilecensis

P R Æ P O S I T E,

& Officialis Perpetue,

Celsissimi olim PRINCIPIS EPISCOPI Cracoviensis,
C A N C E L L A R I E.

D. ANDREA MŁODZIEIOWSKI

CANONICE Gnesnensis & Cracoviensis,

Archidiacone Plzczoviensis & Insignis Coll: Varfaviensis

Canonice, quondam Præfulis ZALUSCII,

ad præfens

Celsissimi Illustrissimi PRIMATIS Regni Poloniæ

Archiepiscopi Gnesnensis AUDITOR,

ultimæ voluntatis PRINCIPIS Defuncti

Mæstissimi Executores:

Assumpserat Vos Ille Curix suæ in decus,

in curarum Adjutores,

meritis, virtutibus & illibatâ conscientiâ commendabiles,
tales

tales nimirum:

in quibus lynceus Argi oculus,
nil sinistri videre & suspicari valeret.

Appretiavit Vos multum superstes,

nunc ad mortalitatis suæ Exuvias

in Archivo cordis Vestri locari exambit.

Ultimum velle Vestris reddidit manibus
quibus totam in ante devoverat mentem.

Maxima in animo solatia habuit

PRINCEPS hic Celsissimus

quod vobis singula pertractanda concedidit negotia,
& Quos Cooperatores, quorumvis negotiorum habuit,
Eosdem suos post funera voluit esse Præstites.

Nec supponite

Perillustres & Reverendissimi Domini:

quòd mors Eundem separaverit à Vobis,

Qui vivens erat Vestrum unum cor & anima.
nec mortuus desinet

pro Domo vestra esse inter Superos Orator.

Immo:

& omniū nostrū immemor esse non poterit
qui vivens Paterno omnes fovebat in sinu.



INSCRIPTIO
Sepulchralis Mausolei,
CELSISSIMI olim PRINCIPIS.

D. O. M.

Siste gressum Viator!

perpende Fatorum artificium,
quâ arte, Mausolei hujus est facies exstructa;

Oedipum non quære, ut ænigma solvat

Quid in Illo depositum sit?

Nôris optimè:

quòd mors inæstimabile Patriæ & Ecclesiæ Clenodium,

PRÆSULUM Gemmam in eo incluserit.

Gemma hæc est;

Celsissimus Illustrissimus & Reverendissimus Dominus

D. ANDREAS STANISLAUS KOSTKA

Comes in Zaluskie, Okęcie, Koziętuły

Z A Ł U S K I.

DEI & Apostolicæ Sedis gratiâ EPISCOPUS Cracov:

DUX Severiæ, EQUES AQUILÆ ALBÆ,

cui illibata virtus candorem, morum gravitas pondus,

virtutum & meritorum numerus pretium dedit.

Originem illius ne scruteris,

ex Nativo illa ZALUSCIANI sanguinis profluxit mari,

cujus valor ad primarios Regni ita se extendit Proceres,

ut à Serenissimis ac Inviuissimis Majestatibus

AUGUSTO olim II. & AUGUSTO III. ad præsens

REGE POLONIARUM,

amari, honorari, æstimari meruerit.

Non profer hic in medium Cleopatrz gemmam,

nam & hæc in Corona Regni existens

Regnum sua appretiabat virtute

Dolet Polonia & Ecclesia amissam Die 16. Xbris. Anno 1758.

Tu pie Lector spem firmam concipe

quòd annulo æternitatis sit inserta

Hæc Gemma Præsulum Princeps ZALUSCIUS.





